

XEERKA n. 152 rep.

MAAMULKA WALAAYADA TALYAANIGA EE SOOMALIA

MAAREEYE

MARKI UU ARKAY Wareegtada Madaxweynaha Jamhuuriyadda Talyaanigae oo baxday 9 diseembar 1952;

MARKU UU ARKAY amr n. 18 di rep. ee 10kii sateembatr 1954 kaas oo lagu dhisaya Machad sare oo lagu barto takhasuska qaanuunka, dhaqaalaha iyo Bulshada ee Muqdisho;

MARKI UU ARKAY wareegtada n. 812038 ee soo baxday 10 seteembar 1954 kaas oo caddaynaya tartan loogu talagalay gelitaanka ardayda sanadka ugu horeeya ee Machadka kor lagu soo xusay;

WAXAA LOO TIXGALIYAY in ay lama huraan tahay in la soo saaro sharci-nidaaminta machadka kor ku xusan;

MARKI UU DHEGEYSTAY Guddiga Maamulka kalfadhigoodii dhacay 22-11-1954;

WUXUU XEEREEYAY:

Xeerarka Wadajirka ah, Xeerar hoosaadka Machadka Sare ee takhasuska Sharciga, Dhaqaalaha iyo Bulshada oo ka kooban 15 qodob ayaa la oggolaaday.

Muqdisho, 26 nofeembar 1954.

MAAREEYE
Martino

Arkay qorista — diiwaanka n. 5 warqadda n. 53.

Muqdisho 3 diseembar 1954.

Garsooraha xisaabaadka: ama TAM

**NADAAMINTA MACHADKA SARE EE TAKHASUSKA SHARCIGA, DHAQAALAH
IYO BULSHADA**

A) Xeerarka Waxbaridda.

Qod. 1.

Bilowga iyo Muddada sannad Tacliimeedka.

Sannad tacliimeedka waxa uu billaban 1 luulyo waxana uu dhammaan 30ka juunyo ee sannadka xiga.

Qod. 2.

Maadooyinka la dhigayo.

Seddaxda sano ee ugu horeysa waxbarashada waa loo dhan yahay, waxa ayna ku saabsan yihiin maaddooyinka soo socda:

- hay'adaha sharciga dadweynaha;
- hay'adaha sharciga gaarka ah;
- taariikhda cusub iyo casriga;
- dhaqaalaha;
- juqurafiga dhaqaalaha;
- hay'adaha sharciga Islaamiga;
- sharciga ganacsiga;
- sheekooyinka mabaadi'da siyaasadeed;
- cilmiga maalgelinta iyo sharciga maaliyadeed;
- sharciga maamulka;
- isbarbardhiga sharciga dawladaha muslimiinta iyo Afrika;
- sharciga caalamiga ah;
- siyaasadda dhaqaalaha iyo maaliyadda;
- hey'adahba sharciga ciqaabta;

waxabarashada sannadka afraad ee takhasuska qaantuunka waa kuwa soo socda:

- sharciga madaniga;
- nidaamka madaniga;
- sharciga ciqaabta;
- nidaamka ciqaabta;

waxabarashada sannadka afraad ee takhasuska dhaqaalaha waa kuwa soo socda:

- tirakoobka;
- xisaabinta guud;
- xisaabinta gobolka;
- farsamada warshadaha iyo ganacsiga;

Qod. 3.

Qorshaha waxbarasho iyo shaxda casharka.

Billowga sannad tacliimeed kasta Golaha maamulka waxa ay dejiyaan qorshaha waxbarasho.

Goluhu waxa kale oo uu dejiyaa shaxda casharrada.

Qod. 4.

Barnaamijka dowrooyinka.

Billowga sannad tacliimeed kasta macallimiintu waxa ay soo bandhigaan barnamijka dowrooyinka ee ay soo jeedinayaan in la dhigo Golaha Maamulkuna waa in ay arkaan lana nadaamiyaan si gaar ah dowrooyinka leh dabeeecad hay'ad.

Qod. 5.

Qasab ahaanshaha in la xaadiro Casharrada.

Ardaydu waxa ay ku qasban yihii in ay xaadiraan dhammaan casharrada.

Maqnaanshaha in ka badan shan meelood hal casharrada shaxda loo dajiyey ansixiyaanna Guddiga Maamula waxa ay horseedaa ka joojin imtixaannada.

Isku qorista markii labaad isla dowradii ayaa ku xiran go'aanka Golaha Maamulayaasha, ka dib marka ay qiimeeyaan sababaha maqnaanshaha.

Qod. 6.

Imtixaan sannadeedka Gudbidde

Dhammaadka dowrad kasta ee sannadle ah ayaa ah waqtiga imtixaanka maadooyinka waxbarashada oo idil. Imtixaannadu waxa ay ka kooban yihii hal intixaan oo afka ah maadda kasta oo la dhigay.

Imtixaanaadka waxa qiimeeyo Guddi ka kooban saddex xubnood oo uu magacaabo Golaha Maamulka.

Caawiyayaashu waa loo yeeri karaa in ay Guddiyada ka qaybgalaan.

Imtixaan kasta waxaa lagu qiimeeyaa soddon dhibcoodey, si loogu gubo waa lama huraan in ardaygu helo sideed iyo tobantibcood min soddon.

Natijjooyinka Imtixaannada waxaa loo sheegayaa ardayda dhammaadka kalfadhiga imtixaanaadka.

Maadooyinka aysan ku guuleysan in ay ku gudbaan, ardayda waxaa loo oggol yahay inay ku celiyan imtixaanka kalfadhiga ku-celiska oo ay ugu yeeraan Guddiga Imtixaanka ka hor bilowga dowrooyinka sannad tacliimedka xiga.

Isku diiwaangelinta dowradda sare waxay ku xiran tahay inay ku gudbaan tirada ugu yar ee imtixaannada ee uu sannad kasta dejiyo Golaha Maamulka.

Kuwa aan ku gudbin mid ka mid ah imtixaannada loo qoondeeyey ee kalfadhiga koowaad aysan laga reebi doonaa isku qorista dowrooyinka Machadka.

Qod. 7.

Imtixaanka Diboloomada

Si loo helo Diblooma ku saabsan taqasusyada la bixiyo, arday kasta, marka lagu daro ku gudbidde imtixaannada dhammaan maaddooyinka waxbaridda, waa in uu soo bandhigaa qoraal ku saabsan mawduuc la xiriira mid ka mid ah maaddooyinka waxbarista.

Mowduuca waa in uu doortaa ardaygu lix bilood ka hor inta aysan dhammaan casharrada dowrada afraad, waana in ay ansixiyaan macalliminta dhiga maadada uu wax ka qorayo.

Qoraalka waa in laga doodaa af ahaan hortooda Guddi ka kooban lix macalim oo uu guddoominayo Raktarka.

Guddiga ayaa codkiisa ku dhiibanaya toddobatan-dhibcoodley. Si ay u helaan murashaxiintu Diblooma waa in ay helaan dhibco aan ka yarayn afartan iyo laba min todobaatan.

Qod. 8.

Hawlaha Seminaarka

Howlaha siminaarka waxaa meel dhiga Golaha Maamulka waxaana ka mid ah:

- a) layliyo ku saabsan maadooyinka, si loo wanaajiyu diyaarinta ardayda iyo in lagu tababaro daraasadaha;
- b) dowrooyin gaar ah oo bilaash ah oo la xiriira waxbarashada ama laamaha kale ee takhuska machadka; si loo fuliyo dowrooyinkaas, Golaha Maamulka wuxuu xaq u leeyahay inuu martiqado, macallimiinta ka sokow, sidoo kale aqoonyahannada iyo khubarada maaddooyinka la soo xulay.

Qod. 9.

Kaliyeyaal.

Baahida loo qabo waxbaridda dowrooyinka iyo aqoon isweydaarsiga, marka ay soo jeediyaan macallimiintu, Guddiga Maamulayaasha ayaa leh awoodda tilmaamidda kaaliyeyaasha la magacaabayo iyada oo loo eegayo qdobka. 6 ee nadaam no. 18 ee 10 sabteember 1954 kaas oo lagu asasay Machad Sare ee Sharciga, Dhaqaalaha iyo Bulshada. Golaha Maamulka ayaa leh awooda magacaabidda kaaliyeyaasha isxilqaanka ah.

B) Awoodda Machadka.

Qod. 10.

Hoggaminta Machadka waxaa iska leh masuuliyiinta hoos ku xusan:

- 1) Hurmuudka Machadka.
- 2) Golaha maamulka.

Qod. 11.

Hurmuudka waxa soo magacaabo Golaha Maamulka, waxa uu xilka heyn laba sano oo la hubin karo. Asaguna waxa uu magacowdaa ku xigeen beddela marka uu maqan yahay ama carqalad la kumo, waxa uu u wakiilan karaa awoodahiisa ama qayb ka mida.

Qod. 12.

Hormuudka:

- 1) Machadka ayuu wakiil ka yahay marka ay timaado xiriirka dadweynaha Maamulka, Hey'adaha iyo kuwa gaarka loo leeyahay;
- 2) Wuxuu leeyahay kormeer sare ee maktabadda iyo hantida Machadka;

- 3) Wuxuu qaadaa awooda edbinta shaqaalaha qeybta kasta ee loo xilsaaray Machadka;
- 4) Waxa uu fuliyaa go'aannada Golaha Maamulka;
- 5) Waxa uu xaqijineyaa in dhammaan qawaaniinta ku saabsan Machadka la dhowro;
- 6) Wuxa uu fuliyaa dhammaan howlaha loo wakiishay isaga iyo xeerarka guud iyo kuwa gaar ee la xiriira abaabulka Machadka.

Qod. 13.

Golaha Maamulka waxa uu ka kooban yahay macallimiinta Machadka iyo maamulaha horumarinta bulshada ee AFIS.

Waxa shir guddoomiya Hormuudka.

Qod. 14.

Golaha Maamulka:

- 1) Waxa uu nadaamiyaa howlaha waxbarista ee Machadka iyo sidoo kale:
 - a) Wuxa uu bixiyaa fikrado ku saabsan mowduuc guud oo kasta oo uu u tixraaco inuu ku habboon yahay inuu u gudbiyo baaritaan;
 - b) Wuxa uu fuliyaa dhammaan howlaha loo wakiishay isaga iyo xeerarka guud iyo kuwa gaar ee la xiriira abaabulka Machadka;

Qod. 15.

Maamulaha horumarinta Bulshada, waa xubin ka mid ah Golaha Maamulak, una qaabilsan qeybta maamulka iyo xisaabaadka ee Machadka, waana wakiilka sharciga ee Machadka.

**MAAREEYE
Martino**